



Құрметті жерлестер!

Сіздерді келе жатқан Жаңа жылмен шын жүректен құттықтаймыз!

Бұл мереке әр үйге жылылық пен қуаныш әкеліп, жүректерімізді үміт пен армандарға толтырады. Жаңа жыл – бұл жүріп өткен жолға көз тастап, болашаққа жоспар құратын уақыт. Алдағы жыл елімізге құт-береке мен молшылық әкелсін. Мемлекеттілігіміз нығайып, экономикалық әлеуметіміз арта берсін!

Биылғы жыл еліміз үшін оңай болмағанымен біз қиындықтарды ойдағыдай еңсеріп, алдымызға қойылған мақсат-міндеттерді орындай алдық. Орын алған сынақтар біздің бірлігіміз бен тұтастығымызды арттырып, ынтымақтастығымызды нығайтты.

Келе жатқан Жаңа жыл әрбір шаңыраққа бақыт, қуаныш әкелсін. Отбасыларыңызға денсаулық, амандық, табыс тілейміз.

Жаңа 2025 жыл құтты болсын!

Ермағанбет БОЛЕКПАЕВ,
Қарағанды облысының әкімі

Нүркен КОБЖАНОВ,
Қарағанды облыстық мәслихатының төрағасы



• БЕЛЕС

Ұлу жылындағы Ұлы Дала

Қазақстан Республикасының Президенті Қасым-Жомарт Тоқаев жыл басындағы құттықтау сөзінде Қазақстанның стратегиялық бағдары айқын ел ретінде тұрақты дамып келе жатқандығын тілге тиек еткен. «Біз ынтымақ-бірліктің және қажырлы еңбектің арқасында ауқымды іс-шаралар атқардық. Жанару мен жаңғыру жолындағы маңызды реформаларды жүзеге асырдық. Осылайша, мемлекеттігіміздің тұғырын бекемдей түстік. Заң мен Тәртіп үстемдігін орнатуды мемлекеттік саясаттың негізгі бағдары деп жарияладық», – деп Мемлекет басшысы өз сөзінде.



Қолмағын ақытып Ш.А.Данбаева

Ерқанат КЕҢЕСБЕКҰЛЫ,
«Ortalyq Qazaqstan»

Ұлттық құрылтайдан – ұлттық болмысқа

2024 жыл дегенде алдымен елдік мәселелерге мән берілген Атырау атырабында өткен Ұлттық құрылтайдың үшінші отырысы есімізге түседі. Құрылтайда ұлт болмысын қалыптастыратын тәуелсіздік пен отаншылдық, бірлік пен ынтымақ, әділдік пен жауапкершілік, заң мен тәртіп, еңбекорлық пен кәсіби біліктілік, жасампаздық пен жанашылдық секілді басты құндылықтар айқындалды. Президенттің бес әлеуметтік кеселмен күресті күшейту жөніндегі тапсырмасы аясында биыл бірқатар маңызды заңдар қабылданды. Әйелдер мен балалардың құқықтарын қорғауға бағытталған заңға тұрмыстық зорлық-зомбылыққа қатаң жаза қарастырылып, балалардың қауіпсіздігін қамтамасыз ететін жаңа ережелер енгізілді. Адам саудасына қарсы іс-қимыл туралы арнайы заң қабылданды. Қоғамдық тәртіпті бұзу, вандализм және бөтеннің мүлкіне зиян келтіру әрекеттері үшін жауапкершілік күшейтіліп, құмар ойындарға тәуелділікті азайту, кейіпке тыйым салу мақсатында заңнамалық өзгерістер енгізілді. Бұл заң жобаларын әзірлеуде Парламент депутаттары

мен Ұлттық құрылтай мүшелері белсенділік танытты. Осылайша, Президенттің «Заң мен Тәртіп» қағидасын нығайту жөніндегі бастамалары қоғамда біртіндеп жүзеге асуда.

«Шығасы шықпай, кіресе кірмейді»

Көктемгі су тасқыны еліміздің 10 өңіріне ауыр соққы болып, халық пен мемлекеттің мүлкіне айтарлықтай зиян келтірді. Осыған байланысты, жергілікті деңгейде төтенше жағдай жарияланды. Мемлекет басшысы азаматтарды қауіпсіз аймақтарға шұғыл көшіру және зардап шеккендерге қажетті көмек көрсету туралы нақты тапсырма

берді. Мал-мүлкінен айырылған азаматтардың ешбірі назардан тыс қалмады, оларға материалдық және қаржылай қолдау толық көлемде көрсетілді. Тасқын салдарынан болған мал шығынын өтеу үшін мемлекет 2,8 млрд теңгеден астам қаржы бөлді. Осындай ауыр кезеңде халқымыз ауызбіршіліктің жарқын үлгісін танытты.

Аймақ басшысы Ермағанбет Бөлекпаев атқарылған жұмыстарға қарамастан, босансуға болмайтынын атап өтті.

– Ең бастысы – жұмысты дұрыс ұйымдастыру. Біз өткен жылғы қателіктерді ескеріп, су тасқынына тыңғылықты дайындалуымыз керек, – деп атап өтті өңір басшысы. – Адамдар мен ресурстар қажет. Жергілікті тұрғындар дұрыс бағдарлануы керек. Жарылыс жұмыстарына конкурсты уақытылы өткізу, су өткізу құбырларын ашу және басқа да маңызды жұмыстарды орындау маңызды. Әр ауылда, әр қалада штаб болуы керек. Барлығы үйлесімді және жедел жұмыс істеуі тиіс.

Есесіне биыл көктемгі су тасқынына қарамастан, елде 26,7 млн тонна астық жиналды. Бұл соңғы 10 жылда болмаған рекордтық көрсеткіш. Мұндай жетістік мемлекеттің диқандарға көрсеткен жүйелі қолдауы мен қамқорлығының нәтижесі. Көктемгі егіс пен жиын-терін жұмыстарын қолдау үшін алғаш рет жарты триллион теңгеден астам қаржы бөлініп, 5 пайыздық мөлшерлеменен жеңілдетілген несие берілді. Азықтүлік қауіпсіздігін қамтамасыз ету және негізгі азықтүлік тауарлары бойынша импортқа тәуелділікті азайту мақсатында маңызды жобалар жүзеге асырылуда. Дәнді-дақылдар селекциясы мен тұқым шаруашылығын дамытуға арналған кешенді жоспар қабылданып, диқандарды отандық тұқыммен толық қамтамасыз ету шаралары қолға алынды. Ауыл шаруашылығы техникасын жаңарту қарқынын жылына 8-10 пайызға жеткізу үшін 120 млрд теңге бөлініп, 5 пайыздық мөлшерлеменен лизингке беру бағдарламасы іске қосылды.

Өндірілген азықтүлікті сақтап, тұтынушыларға жеткізу үшін қойма-логистика кешендерінің құрылысы жоспарланған. Алдағы жылдары жалпы сыйымдылығы 700 мың тонна болатын қоймалар салу көзделеді. Биыл алғаш рет өткен Қазақстанның ауыл шаруашылығы еңбеккерлерінің форумында агроенержәсіп кешенін дамыту міндеттері анықталды.

• ЖЫЛ МЕЖЕСІ

2024: тұрғын үй құрылысы – қарқынды

Қарағанды бүгінде «сұрқай қала» емес. Кезінде Никита Хрущев архитектуралық артықшылықтармен күресу бағытын жариялағанда, бір-бірінен айырмасы жоқ әрі салынуы да арзанға түсетін бес қабатты «панель» үйлер бой көтерген болатын. Әлбетте, «жұмысшы таптың» тұрғын үйге деген қажеттілігін өтеу мақсатында салынған бұл үйлердің сол кездегі «барактардан» кейін «хан сарайындай» көрінген болар. Ал, қазір облыстан бөлек, аудан орталықтары мен іргелес жатқан қалаларда да бір-біріне ұқсамайтын, түрлі архитектуралық шешімдермен салынған әсем үйлердің бой көтеріп, жыл сайын қала көркіне көрік қосып келе жатқанын көруге болады. Ол өз алдына, құрылыс қарқыны да жыл сайын арта түспесе, кемімеқ емес. Мәселен, биылғы жылдың өзінде облыста 500 мың шаршы метр тұрғын үй пайдалануға берілген.

Салтанат ПЛИЯШ,
«Ortalyq Qazaqstan»

Жалпы, еліміздегі тұрғын үй саясаты тұрғындарды қолжетімді, сапалы баспанамен қамтамасыз етуге бағытталған маңызды мемлекеттік бастама. Бұл саясат әртүрлі әлеуметтік топтардың қажеттіліктерін ескере отырып, тұрғындардың өмір сапасын жақсартуға ықпал етеді. Осы орайда облыстың құрылыс, сәулет және қала құрылысы басқармасының басшысы Мұрат Мағзин биыл облыста кезекте тұрғандарға 1635 пөтер берілсе, оның ішінде жалға берілетін тұрғын үй саны 385 екенін айтады.

Аталған үйлерден бөлек, кредиттік тұрғын үйлерден де пөтер берілгенін айту керек. Олардың саны – 153. Яғни, жылжымайтын мүлік нарығында сұранысқа сай ұсыныс та бар.

Бұрынғыдай емес, тұрғындардың талғамы да түбегейлі өзгерген қазір. Ас бөлмесі небары бес



шаршы метр, бөлмелері іргелес, қабырғалары жұқа, төбесінің биіктігі 2,5 метр ғана болатын құрқылтандың ұясындай үйлер қазір де бар болғанымен, жағдайы жеткені кен әрі қолайлы жаңа үйден алуға тырысады. Оның үстіне, жылдап кезекке тұратын да емес, мемлекет ұсынған түрлі бағдарламалардан бөлек, екінші деңгейлі банктерден ипотека арқылы да баспаналы болуға болады. Бұл өз кезегінде кредиттік тұрғын үйлерге деген сұранысы да арттырып отыр.

– Биыл тұрғын үй құрылысына жұмсалған сома – 593,3 миллиард теңге. Пайдалануға берілген тұрғын үйдің жалпы көлемінен коммерциялық тұрғын үй – 76%, мемлекеттік тұрғын үй – 10%, ал жеке тұрғын үйлер – 14%. Әлбетте, тұрғын үйлерді пайдалануға беруде Қарағанды қаласы көш бастап тұр. Пөтер кілтін алып, қоныс тойын тойлағандардың 77 пайызы дәл осы облыс орталығында. Сондай-ақ, Теміртау, Балқаш қалалары мен Шет және Бұқар жырау аудандары да қалыс қалып жатқан жоқ, – дейді Мұрат Сәкенұлы.

Жалпы, облыста тұрғын үй құрылысы іс-шараларын іске асыру үшін биыл 24,3 миллиард теңге бөлінгенін де айту керек.

Одан бөлек, жыл сайын кредиттік және жалға берілетін тұрғын үй құрылысы жалғаса береді. Ал, кредиттік тұрғын үйге 5,4 миллиард теңге бөлінгенін айтады басқарма басшысы.

Сондай-ақ, Қарағанды, Балқаш және Абай қалаларында орналасқан құрылыс нысандары бой көтергенде, 573 кредиттік пөтер пайдалануға беріледі.

Жалпы, Қарағанды облысында тұрғындарды үймен қамтамасыз ету мақсатында түрлі шаралар қолға алынған. Мәселен, облыстық бюджеттен жалға берілетін пөтерлерді салу үшін 1,3 миллиард теңге бөлінгенін айтады Мұрат Мағзин. Олардың құрылысы аяқталғанда, тағы 850 пөтер жалға беріледі.

Қазір тоғыз қабатты тұрғын үймен ешкімді таң қалдыра алмайсың. Технологияның өзгеруі және тұрғын үй саласын жақсартуға бағытталған түрлі мемлекеттік қолдаулар арқылы облыста аспанмен таласқан әрі сәулеті жағынан көз тартатын қоспабатты тұрғын үйлер бой көтерді. Эстетика мен ынғайлылықты біріктірген әсем құрылыстар бүгінде қаланың ажарын аша түскен.

Келесі жылы да, облыста құрылыс қарқыны тоқтамақ емес.



• КЕЗДЕСУ

Бұқара бұйымтайы ескеріледі

Парламент Сенатының депутаты Серік Өтешов Қарағанды облысына жұмыс сапарымен келді. Депутат өңірлердегі сайлаушылармен кездесіп, өндірістік және әлеуметтік маңызы бар нысандарды, сондай-ақ, білім беру мекемелерін аралайды. Кездесу барысында республикалық бюджеттен қаржыландыруды қажет ететін бастамалар мен ұсыныстарды тыңдамақ.



Аяулым СОВЕТ, «Ortalyq Qazaqstan»

Сенатор жұмыс сапары барысында алдымен өз сайлаушыларымен кездесіп, мәслихат депутаттарымен және жұртшылықпен бірге өзекті мәселелерді талқылады.

– Сенат республикалық бюджетті қалыптастыру шеңберінде жемісті жұмыс істеді. Бәріміз бұған үлес қостық. Маусымда 30-дан астам маңызды құжаттар қабылданды. Қоғамда белсенді талқыланған мәселелер өз шешімін тапты. Жыл басында Бюджет кодексін және Салық, Сү және Құрылыс кодексін қабылдаймыз, – деді Серік Өтешов.

Сенатордың айтуынша, әлі де шешімін таппаған мәселелер бар. Осы орайда сенатор халықтың дауысын білдіретін және жергілікті жерлердегі ахуал туралы жақсы білетін мәслихаттардан белсенділік күтетінін айтты.

– Осындай кездесулер көпшілікке барлық жағынан пайдалы. Қарағанды облысының қуатты ғылыми-зерттеу әлеуеті бар. Өңірде алты ірі университет және инновациялық ұсыныстардың қоры бар бірқатар ғылыми-зерттеу институттары мен орталықтар орналасқан. Біз Президенттің ғылыми эзрілемелерді өндіріске барынша жақындату жөніндегі тапсырмасы аясында жұмыс істеудеміз. Осы орайда Қарағанды ірі ғылыми-технологиялық орталыққа айналуы мүмкін екендігін баса айтпақпын. Бұл біздің өңірде көмір саласын, металлургияны, агроөнеркәсіптік кешенді дамытуға қарқынды көңіл бөлі-

нетінін білдіреді. Орталық Қазақстан экономиканы әртараптандыру тұрғысынан өндіріші саладан инновациялық салаға дәйекті түрде ауысуы тиіс, – деп атап өтті Серғазы Әдекенов.

Депутаттар өңірдің әлеуметтік-экономикалық дамуын жақсарту, сондай-ақ, Сенат депутаттарының назарын талап ететін мәселелер бойынша ұсыныстарын білдірді. Қадия Оспанова саламатты өмір салты орталықтарының қамқорлығына қайтару жайлы ұсынысын білдірді. – Қадрылық қамтамасыз ету мәселесі ашық күйінде қалып отыр. Биыл аудандарға 38-ден астам дәрігер, 68 орта медициналық қызметкер келді. Әлі де 23 дәрігер мен 40-тан астам орта медициналық қызметкер жетіспейді. Саламатты өмір салты орталықтары бәсекелестік ортаға ауысқаннан кейін алдын алу және сапалы ақпараттық-түсіндіру жұмыстарын жүргізу күрделі болды. Алдағы уақытта бұл мәселені жалпы практика дәрігерлеріне жүктемені арттыру есебінен шешу керек, – деп атап өтті Қадия Оспанова.

Серік Өтешов аталған сұрақ аясында Сенат депутаттарына ресми өтініш жазуды сұрады.

Парламент Сенаты депутатының кездесулері Жаңа жылдан кейін де жалғасын табады. Сенатор алдағы уақытта Қарағанды медициналық университетіне және Қазтұтынуодағы Қарағанды университетіне, сондай-ақ, Қарағанды, Теміртау және Шахтинск өнеркәсіптік және әлеуметтік мекемелеріне барады. Жұртшылықпен, депутаттармен кездесіп, күн тәртібіндегі мәселелерді талқылайды.

Суретті түсірген Александр МАРЧЕНКО



КАРАҒАНДИ ОБЛЫСЫНЫҢ ӘКІМДІГІ

Жастарға берілген жаңа мүмкіндік

Бүгінгі таңда облыс халқының төрттен бір бөлігін жастар құрайды. 2024 жылдың қорытындысы бойынша облыс жастарына 133 пәтер және жастардың бизнес-идеяларын іске асыру үшін халықтың әлеуметтік осал топтарынан 98,9 млн. теңге сомасына 67 грант берілді.

Аймақ басшысының төрағалығымен өткен Жастар істері жөніндегі кеңестің отырысында облыс жастарының жай-күйі талқыланды. Басқосуға жоғары оқу орындарының, жастар және волонтерлік ұйымдардың, мемлекеттік органдардың өкілдері, кеңес мүшелері қатысты.



Облыс әкімі сөзінде жастардың қоғамдағы рөлі, өңірде олардың жан-жақты дамуына, білім алуына жасалып жатқан іс-шараларды атап, жастарды барынша жан-жақты қолдау керектігін атап өтті.

– Жастардың әлеуетін дамыту үшін Zhas project грант алуға конкурс өткізілді. Облыстан барлығы 196 өтінім келіп түсті, оның 70 - і техникалық іріктеуден өтті, 14 грант берілді. Жыл сайынғы «Жасыл ел» еңбек жасақтары арқылы жастарды маусымдық жұмыспен қамту ұлғайтылды.

Республика бойынша ең жоғары көрсеткіш 4900 адамды құрады. Бұл өткен жылмен салыстырғанда екі мыңға артық, – деп атап өтті облыстық жастар саясаты мәселелері жөніндегі басқарма басшысы Нұржан Ильяшов.

Кеңестен кейін облыстық жастар саясаты мәселелері жөніндегі басқармада «Тәуелсіздік ұрпақтары» гранттары табысталды.

– Жобаның басты мақсаты – жастардың белсенді әрі шығармашы қауымдастығын қалыптастыруға бағытталған бастамаларды қолдау. Жастардың жаңа және жұмыс істеп тұрған стартап-жобаларын іске асыру, – деді Нұржан Ильяшов.

Облыс әкімінің гранттары бизнесті дамыту үшін ғана емес, сонымен қатар, медиа, ғылым, ақпараттық технологиялар және мәдениет саласына беріледі. Жастардың жобаларын «Кәсіпкерлікті қолдау

және дамыту қоры» корпоративтік қоры, Қарағанды облысының кәсіпкерлер палатасы, «Даму» кәсіпкерлікті дамыту қоры» АҚ өңірлік филиалы, сондай-ақ, өткен байқаулардың жеңімпаздарын анықтады. Жобалар жаңалықты, бәсекеге қабілеттілікті, жүзеге асу қабілетін, бюджеттің дұрыстығын және басқа аспектілерді қамтитын алдын ала белгіленген талаптар бойынша бағаланды.

Жобалардың әлеуметтік маңыздылығы мен бірегейлігі 407 құжаттың ішінен 25 жеңімпазды анықтаумен бағаланды. Үздік деп танылған 25 жеңімпаз 2 млн. теңге көлеміндегі грантка ие болды.

– Жастарды қолдауға арналған гранттар облыстың барлық қалалары мен аудандарында жергілікті әкімдіктердің бюджеттік мүмкіндіктеріне қарай беріледі. Биыл жалпы облыс бойынша жастарға 200 млн теңге көлеміндегі 135 грант бөлінді. Оның ішінде, Қарағанды – 10, Приозерск – 2, Теміртау – 30, Шахтинск – 17, Саран – 4, Абай – 9, Ақтоғай ауданы – 8, Бұқар жырау ауданы – 13, Осакаров ауданы – 10, Шет ауданы жастарына 7 грант бұйырды.

– Игілікті шаралар еліміздің әр өңірінде қолға алынуда. Гранттар елдің ертеңі жастар үшін зор қолдау әрі демеу. Жалынды жастардың бастаған істеріне сәттілік тілейміз, – деп атап өтті Нұржан Ильяшов.

Суретті түсірген Жангелді ӘБДИГАЛЫМ

• ВИЦЕ-ПРЕМЬЕРДІҢ ЖҰМЫС САПАРЫ

Нақты сектор дамиды

Кеншілер өлкесіне жұмыс сапарымен келген Премьер-Министрдің орынбасары, Ұлттық экономика министрі Серік Жұманғарин жылжымағы республикалық кеңес өткізіп, экономиканың нақты секторын дамыту әлеуетін талқылады. Кеңесте Ұлттық цифрлық инвестициялық платформа таныстырылып, өңдеу өнеркәсібіне, ауыл шаруашылығына инвестиция тарту туралы мәселесі де қарастырылды.

Жәлел ШАЛҚАР, «Ortalyq Qazaqstan»

Серік Жұманғарин мырза биыл елімізде экономиканы дамыту оң серпін алғанын атап өтті. Жалпы, экономиканың өсуі – 4,4%. Негізгі капиталға инвестициялар 3,1% өссе, оның ең көп көлемін шикізаттық емес салалар құрайды.

– Инвестициялар тұрақты экономикалық өсуді қамтамасыз етуге және экономиканы әртараптандыруда шешуші рөл атқарады. Өнеркәсіп, ауыл шаруашылығы, инфрақұрылым және басқа да нақты секторға инвестицияларды тарту және игеру – орталық

жасыл дәліз, прокурорлық сүзгі модулі қарастырылған.

Аймағымыздағы экономика мен инвестициялық қызметтің өсуі көрсеткіштері туралы облыс әкімінің орынбасары Ермек Алпысов тоқталды.

– Жыл басынан бері өңірге 1,1 трлн теңге инвестиция тартылып, өткен жылдағыдан бір жарым есе өсті. 13 мың жұмыс орнын құра отырып, 1,3 трлн теңгеге 55 инвестициялық жобадан тұратын пұл қалыптастырылды. Биыл 200 млрд теңгеге 13 жаңа өндіріс іске қосылып, 2 мың жаңа жұмыс орны ашылды. Олардың ішіндегі ең ірілері – қатодты мыс өндіру, кремний қорытпалары зауыты, алғашқы қазақстандық маркетплейс. 2025 жылға 2200 жұмыс орнын құрумен 131 млрд теңгеге 11 инве-



стициялық жоба жоспарланған. Облыс экономикасының одан әрі өсуі мен әртараптандырылуы үшін металлургиялық және кремний кластерлерін құру жұмыстары жүргізілуде, – деді Ермек Алпысов.

Серік Жұманғарин Ұлттық экономика министрлігі жұмыстың негізгі бағытын өңірлерге қарай шоғырландыратынына баса назар аударды.

– Қарағанды облысы – өнеркәсіптік тұрғыдан белсенді дамып келе жатқан аймақтың бірі. Әсіресе, серіктес қалаларда белсенділік жоғары. 10-15 жыл бұрын күрделі жағдай болған. Қазір Саран, Шахтинск қалаларында көз алдымызда жаңару жүріп жатыр. Сондықтан, біз осы үлкен селекторды өткізуге келдік. Ұлттық экономика министрлігі экономиканың нақты секторын дамытуға баса назар аударады. Бұл салық түсімін әкеліп, ЖІӨ-ге қосымша үлес қосады. Жергілікті атқарушы органдар соңғы жылдары жақсы бюджеттік дербестікке ие болды, – деді Серік Жұманғарин.

Вице-премьер жұмыс сапары барысында «Qamte» АҚ-да болып, Саған және «Сарыарқа» АЭА-дағы бірқатар кәсіпорынның қызметімен танысқанын да атап өткен жөн.

Сонымен қатар, ашық әрі қолжетімді және кәсіпорындар салу үшін бос учаскелер, мемлекеттік қолдау шаралары туралы ақпарат жаңартылды және мемлекеттік қызметтер үшін

Суретті түсірген Жангелді ӘБДИГАЛЫМ

Жарқын болашақтың «Жайлы мектебі»



ПРЕЗИДЕНТ ТАПСЫРМАСЫН ОРЫНДАЙ ОТЫРЫП...

Балқаш қаласында «Жайлы мектеп» ұлттық жобасы бойынша салынған жаңа оқу орнының құрылысы аяқталды. «№12 жалпы білім беретін мектеп» КММ мәртебесін алған білім беру мекемесінің ауданы – 14 545 шаршы метр. Үшінші тоқсаннан бастап, балаларға есігін аяқары ашатын білім ордасы толық заманауи жабықтармен қамтылған. 900 орындық білім ошағы оқушыларды қабылдауға толыққанды дайын.

Нұрлос КӨРІМ, «Ortalyq Qazaqstan»

Жаңадан бой көтерген нысанды облыс әкімінің орынбасары Азамат Тайжанов, облыстық білім басқармасының басшысы Гүлбақыт Жүнісова, Балқаш қаласының әкімі Сапар Сатаев аралап, атқарылған жұмыстарды көрді. Білім бөлімі мамандарының мәліметінше, мектепте оқыту мемлекеттік тілде жүргізіледі. Бұл мемлекеттік білім беру саясатының қағидаттарына сәйкес келеді. Мектеп сапа мен қауіпсіздіктің барлық талаптарына сәйкес заманауи технологиялармен жабықталған. Білім беру мекемесінде оқу материалын неғұрлым тиімді меңгеру үшін мультимедиялық жабықтармен жаратқандырылған интерактивті сыныптарды қоса алғанда, 36 оқу кабинеті көзделген.

Жаңа мектептің басты ерекшеліктерінің бірі – ғылыми, техникалық, инженерлік және математикалық пәндердің интеграциясына ықпал ететін озық STEM зертханалары. Сонымен қатар, балаларда инновациялық және техникалық бағыттарда дағдыларды дамытуға мүмкіндік беретін робототех-

ника сабақтары бар. Мектепте дәстүрлі және электронды форматта білім беру ресурстарының кең таңдауын ұсынатын кітапхана мен медиа орталық құрылды. Ерекше білім беру қажеттіліктері бар балалар үшін мектепті әр оқушыға қолжетімді ететін инклюзивті орта қамтамасыз етілген.

Жобаны жүзеге асырудың үлкен әлеуметтік маңызы бар. Жаңа мектеп заманауи және жайлы білім беру ортасын құра отырып, Балқаш қаласындағы оқушы орындарының тапшылығы мәселесін шешеді. Бұл сапалы оқытуды және педагогтар мен оқушылар үшін қолайлы жағдайларды қамтамасыз ете отырып, өңірдің білім беру жүйесін дамытуға маңызды үлес болады.

Айта кетейік, №12 мектептің ашылуы еліміздегі білім беру инфрақұрылымын жақсартуға бағытталған мемлекеттік бағдарламаны табысты іске асырудың жарқын үлгісі болып отыр.

БАЛҚАШ



• ЖЫЛ ТАРТУЫ

«Бақыттың жолын білім ашар»



Мемлекет білім беру саласына көп көңіл бөледі. Президент Қасым-Жомарт Тоқаев Қазақстан халқына Жолдауында табысты ұлтты қалыптастырудың маңызды факторы білім беру сапасы екенін атап өтті.

Жаңа оқу жылында Қарағанды облысында бірнеше білім нысандары бой көтерді. Өңірдің білім беру жүйесін жаңғырту мақсатында ауқымды жұмыстар атқарылып, инновациялық әдістер қолданыса енді. Ұстаздардың кәсібилігі мен мол тәжірибесі – өңірдің білім беру саласын жаңа белестерге көтеруге басты негіз болды.

Жыл тартуына айналған жағымды жаңалықтың басы Е.Бөкетов атындағы Қарағанды университетіне «Зерттеу университеті» мәртебесінің берілгені. Сондай-ақ, оқушылар игілігіне бұйырған «Жайлы мектептер» мен «Кәусар» сарайы көптің көңілінен шықты.

Аяулым СОВЕТ, «Ortalyq Qazaqstan»

Заманауи зерттеу университеті

Иә, биыл Е.Бөкетов атындағы Қарағанды университетіне зерттеу университеті мәртебесі беріліп, оқу орнының 2024-2028 жылдарға арналған даму бағдарламасы бекітілді.

Алдағы бес жылға арналған университетті дамыту бағдарламасында жоғары және жоғары оқу орнынан кейінгі білім берудің барлық деңгейлерінде ғылыми қызмет пен оқу үдерісі жаңармақ. Университет алдағы уақытта сапалы білімнің теңдігі мен қолжетімділігін қамтамасыз етіп, дарынды жастарды тарту, елдің интеллектуалдық әлеуетін көтеруге атсалысатын болады. Қазақстандағы ғылыми мектептердің халықаралық беделін арттыруға мүмкіндік беретін іргелі және қолданбалы ғылым саласындағы жобаларды іске асырады. Сондай-ақ, бағдарлама аясында университетте ғылымдары патенттерін, лицензияларын сату, стартап жобаларды әзірлеу түріндегі қолданбалы зерттеулері арқылы облыс экономикасына үлес қоспақ.

– Buketov University көптеген жылдар бойы еліміздің университеттерінің үздік бесігіндегі өз орнын сенімді ұстай отырып, отандық білім берудің флағманы болып келеді. QS Asia рейтингінде университет халықаралық деңгейде өзінің бәсекеге қауіпсіздігін көрсете отырып, 206-шы орында тұр, – деп хабарлады Ғылым және жоғары білім министрлігінің баспасөз қызметі.

Бүгінде университеттің ғылыми инфрақұрылымында 13 факультет, 20 ғылыми-зерттеу институты, ғылыми орталықтар мен ғылыми зертханалар жұмыс істейді. Жоғары оқу орнында жалпы сомасы 2 миллиард теңгеге жуық 112 ғылыми жоба іске асырылуда. Бұл жобалар «жасыл» технологияларды дамытудан бастап, цифрлық әлемде әлеуметтік бейімделуге дейінгі көптеген салаларды қамтиды.

Білім берудің халықаралық стандарттарына сәйкес ғылыми-зерттеу құзреттіліктерінің кешенін меңгерген жас ғалымдар магистратура мен докторантура білім алып, экономика секторларын алға жылжитуда. Жастар өндірісті бақылау және басқару жүйелерін отандандырып, ҚарУ профессорлық-оқытушылық құрамын кеңейтуде.

Осылайша, Қарағанды зерттеу университеті серпінді ғылыми зерттеулер мен білім беру инновациялары арқылы аймақ пен елдің жоғары технологиялық дамуына ықпал етуде. Даму бағдарламасында көзделген жоба-жоспарларды қаржыландыру университеттің жеке есебінен және тартылған бюджеттік инвестиция есебінен жүзеге асырылады.

Жаңа жайлы мектептер

Бүгінде Қарағанды облысында барлығы 420 мектеп бар. Онда 172 548 бала мен жасөспірім оқиды. Биыл 15 931 бірінші сынып оқушысы партаға отырды.

Президенттің тікелей тапсырмасы бойынша жүзеге асқан «Жайлы мектеп» жобасы аясында Қарағандыда төрт мектеп ашылды. Оның бірі – №19 мектеп болса, екіншісі Күнгеі шағын ауданында көптен күткен 600 орындық жаңа мектеп есігін айқара ашты. Бүгінде білім ошақтары оқушылар арасындағы орын тапшылығын жойып, сапалы білім беруде. «Жайлы мектеп» жаңа пилоттық ұлттық жобасы осыған бағытталған.

Мәселен, Күнгеі шағын ауданы



құрылғаннан бері осы ауданда оқу орны болмаған. Оқушылар үйлерінен алшақта орналасқан мектептерге баруға мәжбүр болған. Қадамдық қолжетімділікте сапалы білім беру мен балаларды дамыту үшін қажетті барлық нәрсе қарастырылған заманауи мектеп облыстық бюджеттен қаржыландырылды.

Осылайша жаңа мектепте бірінші сыныптың 100 оқушысы партаға отырды. Оқыту қазақ және орыс тілді сыныптарда қатар жүреді. Жоғарғы сыныпта мектеп бітіретін бір ғана сынып бар. Мұғалімдер байқау бойынша іріктеліп, жинақталды. Ғимарат кең, ауданы 10 мың шаршы метрден асады. Бастауыш және жоғарғы сыныптар үшін бөлек блоктар қарастырылғанымен, ерекше қажеттіліктері бар оқушылар үшін қолжетімді орта құрылған.

Еңбек кабинеттерінде ұлдар ағаш ұстасын игере алады, қыздар тігуді және тамақ дайындауды үйренеді. Сонымен қатар, керамика шеберханасы бар. Дене шынықтыру сабақтарын тек спорт залда ғана емес, далада да өткізуге болады. Мектеп ауласы үлкен және абаттандырылған, спорт және ойын алаңдары бар. Әр оқушы өз қалауы бойынша дәріс табады. Робототехника кабинеті, бейнелеу студиясы, телестудия жабдықталған. Коворкинг аймағы да бар.

– Бұл біздің көптен күткен арманымыз еді. Мектеп тез салынды. Отбасым мұнда сегіз жыл тұрады. Осында көшіп келгенімізде су, жол жоқ еді. Шағын ауданымыз көз алдымызда дамып келеді, – деді Күнгеі шағын ауданының тұрғыны Аманжол Махамбетшин.

Президенттің тікелей тапсырмасы бойынша жүзеге асқан «Жайлы мектептің» бірі – №19 мектеп. Бүгінде білім ошағы оқушылар арасындағы орын тапшылығын жойып, сапалы білім беруде. Алғаш 2 мың оқушыға арналған білім ордасы пайдалануға беріліп, осылайша қаланың Оңтүстік-Шығыс бөлігінде орналасқан төрт мектептегі жүктеме азайды.

Бүгінде мектеп ғимараты – облыс мектептері арасындағы ең үлкені. Мұнда бәрі сарапталып, ойластырылған. Үлкен аумаққа қоса балаларға ыңғайлы болу үшін қойылған периметрлік кіреберістер, бастауыш сыныптар мен аға буынға арналған жеке кіреберістер де бар. Мектеп ауласында ойын, воркаут, футбол және баскетбол алаңдары, хоккей қорты, жүгіру алаңы да бар. Ал, қоғалдандыруға арналған ағаштар қоңыржай белдеулік климатты ескере таңдалып алынған. Қазіргі таңда жаңа білім ошағында сол аудандағы жақын «Трилистик», «Атепа Park», «Жаңа орталық», «Атамекен», «Комфортный дом», «Сапфир», «Байсанат», «Zaman», «Амадина», «Onix» және



«Мерей» тұрғынүй кешендерінде тұратын оқушылар білім алуға.

– «Жайлы мектептердің» жабдықтары мен құрылыс материалдары жоғары талаптарға сәйкес таңдалып алынған. Президенттің мега жобасын сапалы іске асыруда спортзалдардың саны басқа мектептерден әлдеқайда артық. Мектептердің дизайны да ерекше, тіпті, бастауыш пен ересек сыныптардың бөлек блоктарда оқуы секілді мәселелер де жіті қарастырылған. Шалғайдағы ауылдардың өзінде жайлы мектептердің бой көтеретіні балалар үшін үлкен олжа болғалы тұр, – деді №19 мектеп директоры Гүлдана Асамиданова.

Мектепте бір ауысымда таңертеңгі мезгілде 2000-ға жуық бала білім алатындықтан, олар түскі уақытын қосымша сабаққа жұмсайды. Көбісі сабақтан кейін



мектеп ішінен ашылған үйірмелерге қатысады. Биыл 1500 бала жаңа оқулықпен қамтылғандықтан, қалған 400-ге жуық кітап салқын бөлме сөрелерінде сақталуда. Мектептің әр қабатында коворкинг алаңдары бар болғандықтан, оқушылар еркін пікір алмасып, әңгіме құра алады. Бастауыш және жоғарғы сыныптар үшін бөлек блоктар бар. Қазіргі таңда мектепте 30 шақты бастауыш сыныбы бар. Мектепке конкурс бойынша 130-дан астам мұғалім жұмысқа қабылданды.

Елімізде 2025 жылға дейін заманауи талаптарға сай келетін 800 мың оқушы орнын құру жоспарланған. Бұл апатты және үш ауысымды мектептер мәселесін толығымен шешуге мүмкіндік береді. Жоба сонымен қатар, қалалар мен ауылдардағы білім беру инфрақұрылымындағы айырмашылықты айтарлықтай теңестіреміз.

Облыстық білім басқармасының мамандары 2025 жылдың соңына дейін Қарағанды облысында 18 жайлы мектеп салынып бітуі тиіс екенін айтқан болатын. Оларда 12 500 оқушы білім алады.

– Жалпы биыл облыс бойынша 10 жайлы мектеп құрылысын бастаған болатынбыз. Оның ішінде «Көгілдір тоғандар» мен «Гүлдер» шағынаудандарындағы және Балқаш қаласы, Ақсу-Аюлы мен Жарық ауылындағы мектептердің құрылысын аяқтау жоспарда бар. Жайлы мектептер болғандықтан барлығы сапалы болуы қажет. Сондықтан ұзақ салынып жатыр. Жұмыстар жүріп жатыр. Ендігі жылы облыс көлемінде тағы 4 мектеп салынады, – деді аймақ басшысы Ермағанбет Бөлекпаев.

Қарағандыға көрік берген «Кәусар»

Қарағандының Пришахтинск бөлігінде бой көтерген, робототехника, VR сәулет өнері секілді үйірмелердің түр-түрі бар шығармашылық бағытта шындайтын «Кәусар» да биыл жұмысын бастады. Салтанатты сараймен жаз айларында арнайы барып таныссақ та, Қарағандыға көрік беріп тұрған ғимараттың бүгінгі

лардың да жағдайы жіті қарастырылған. Сенсорика және моториканы дамытуға арналған көптеген құрылғылар бар. Мысалы, ауа көпіршікті қолба – көру мен естуді, тактильді сезімдерді жетілдіреді. Құрғақ душ баланың еркіндігін дамытуға, босануға арналған. Оның көмегімен бала жаңа түстерді қызықты түрде есте сақтай алады. Инклюзивті білім беру үшін барлық жағдай жасалған, – деп атап өтті «Кәусар» сарайының директоры Әйгерім Исбекова.

Кәусардағы заманауи жабдықтар дамуға сеп. Ғимараттың бірінші қабатындағы Hi-tech цехында 3D принтерлер, CNC станоктары және басқа да заманауи жабдықтармен жоғары технологиялық прототиптеу зертханасындағы идеялардың басым бөлігі инженерлік өнімдерге, электронды компоненттер жасауға, металлды, ағашты, пластмассаны CNC машиналарында өңдеуге, 3D басып шығаруға бағытталған.

Шығармашылық шеберханасы балалардың бастамасы мен шығармашылығына қолдау береді. Олар тігін, кесте тігу және тоқу станогында жұмыс істеу дағдыларын үйреніп алыпты. Модельдердің эскиздерін жасау үшін қреккер мольбертерін қарастырылған. Шеберханада қыз балаларға арналған тігін машиналары, тоқу машинасы, верлок, қол тоқу станогы, кесуге арналған үстел үтіктері бар. Сондай-ақ, манекендер, шкафтар, айналымы бактериялық сәулелендіргіші бар мұғалімге арналған орынмен жабдықталған.

Хореография залы да музыканы мазмұнды беруге арналған жүйеге толы. Мәулі акварель, қарындашпен сурет салуға бейімдейтін АРТ студияда акрил, гуашь, пастель бояулары да қолданылады. Сурет салу бағыты да қазірдің өзінде балалардың өнерін дамытуға әрі өзін көрсетуге үлкен мүмкіндік.

– Бұйымдар гипстен жасалады. Студияда компьютермен жабдықталған мұғалімнің орны, студенттік үстелдер мен орындықтар, интерактивті панель қойылған. Ою станогы әрі ашық хаттар



жасауға арналған түрлі жиынтықтар, ринстон, зергерлік бұйымдар мен скрапбукингтен суреттер жасауға арналған, – дейді мұғалімдер.

Ал, жазу студиясы вокалды жазу, аранжировка, музыкалық материалды игеру, түпнұсқа мәтіндер мен музыканы жазуға арналған. Студияда фильмдер мен бейнелерді дауыстауға және қайта дыбыстауға кең мүмкіндік бар.

Сарайдағы телевидение және фотостудия жасөспірімдерге ұжымдық және ұйымдастырушылық жұмыс үшін қажет. Студия журналистика әлемінің қыр-сырына іс жүзінде үңілуге мүмкіндік береді.

– Бүгінде теледидар және фотостудияға арнайы маман тарту жұмыстары жалғасуда. Бұл салаға балалар қызушылық танытып отырғандықтан, кәсіби шебер мамандарға сұраныс басым, – дейді Әйгерім Әуезқызы.

Сарайда, сондай-ақ, көпшілікке ұнайтын IT кітапхана бар. Кітапхана маңызды жұмыс аймағы болғандықтан ерекше сұранысқа ие. Концерттер, конкурстар, жарыстар өткізуге болатын үлкен акт залы, коворкинг аймақ та бар. Ашық ауданда түрлі шаралар өтпек.

«Кәусар» сарайының басшысы Әйгерім Исбекова облыстағы білім беру саласындағы барлық жұмыстардың білім сапасын арттыруға бағытталғанын айтады. Жаңа әрі сапалы ғимараттар өңірлік білім беру саласын одан әрі дамытуға септігін тигізуде. Жаңа ғимараттар білім беру жүйесінің барлық қатысушыларына қауіпсіз, жайлы қызмет етсін.

Суреттерді түсірген
Жангелді ӘБДІҒАЛЫМ

